

KALAT'A MOSE NABOSO NI BELABE NÁ

BEBOTEDI

Wekabé la wase

1 O bebotedi Loba a weki moñ na wase. 2 Nde wase e ta nuba, e be pe na wom. Mwititi mu ta mu kudu-mané wase; nde Mudi ma Loba mu ta mu sanjamé omoñ a madiba.

3 Na Loba a kwala na: Esele mwenen mu be! Na mwenen mu timba be.

4 Nde Loba a ta ene ná mwenen mwe bwam. Na Loba aba mwenen na mwititi. 5 Na Loba a bele mwenen ná mwese, mwititi pe ná bulu. 'Wa nde ebiamu e timbingo be, na idiba pe: buña bo londe baboso bo.

6 Na Loba a kwala na: Esele dibobe di be oteten ibané ya madiba, jabe madiba. 7 Na Loba a weka dibobe la moñ, aba madiba me owas'a dibobe na madiba me omoñ a dibobe. Na mo e be nika.

8 Na Loba a bele dibobe ná moñ. 'Wa nde ebiamu e timbingo be, na idiba pe: buña bo londe miba bo.

9 Na Loba a kwala na: Esele madiba me owas'a moñ ma kotomé wuma iwó, ná miñangadu myanji mi buse. Na mo e be nika. 10 Na Loba a bele miñangadu myanji ná mudi, madiba ma kotom pe ná munja. Na Loba ene ná nika ne bwam.

11 Na Loba a kwala na: Esele mudi mu pumele bewudu na mbota i mabole mbolako na myele mi maye bepuma o wase kaponda nai te bena oteten ao nde mbolako ao yeng. Na mo e be nika.

12 Na mudi mu pumele bewudu na mbota i mabole mbolako kaponda nai te na myele mi maye bepuma bena oteten ao nde mbolako ao yeng kaponda nai te. Na Loba ene ná nika ne bwam. 13 'Wa nde ebiamu e timbingo be, na idiba pe: buña bo londe milalo bo.

14 Na Loba a kwala na: Esele betrukañ be be o dibobe la moñ o jaba mwese na bulu, ná be be ka byemban o leé midiyo ma ponda, miña na mbu, 15 ná be be ka betrukañ o dibobe la moñ

o bola mwenen o wase. Na mo e be nika. 16 Na Loba a weka betrukañ bendene beba: endene o janea mwese, esadi pe o janea bulu; a weka pe na ngengeti. 17 Na Loba a tese mo o dibobe la moñ o bola mwenen o wase, 18 o janea mwese na bulu na o jaba mwenen na mwititi. Na Loba ene ná nika ne bwam. 19 'Wa nde ebiamu e timbingo be, na idiba pe: buña bo londe minei bo.

20 Na Loba a kwala na: Esele madiba ma londe na bewekedi be ben longe, lonon pe lo pumwe o moñ owas'a dibobe.

21 Na Loba a weka nam'a madiba indene na bewekedi ba longe bese be matusé nolo bena be londi o madiba na pum kaponda nai te na lonon la mapupulan lese kaponda nai te. Na Loba ene ná nika ne bwam. 22 Na Loba a namse mo, a kwala na: Biño be yadi, lo tonde, lo londe o madiba ma munja; lonon pe lo tonde o wase. 23 'Wa nde ebiamu e timbingo be, na idiba pe: buña bo londe mitanu bo.

24 Na Loba a kwala na: Esele wase e busise bewekedi be ben longe kaponda nai te: byembe, nama i monge mañolo wase na nam'eyidi kaponda nai te. Na mo e be nika. 25 Na Loba a weka nam'eyidi kaponda nai te, na byembe pe kaponda nai te na nama yese i monge mañolo wase kaponda nai te. Na Loba ene ná nika ne bwam.

Wekabé la moto

26 Na Loba a kwala na: Esele biso di weke moto kaponda jenene lasu, a be bowan na biso; a bene janea omoñ a su'a madiba na lonon la moñ na byembe na omoñ a wase nese na nama yese i monge mañolo wase. 27 Na Loba a weka moto o bowan bao, kaponda bowan ba Loba nde a wekingo mo; a weki babo mome na muto. 28 Na Loba a namse babo, mo na babo na: Biño be yadi, lo tonde, lo londise wase, lo sibise pe mo

BEBOTEDI 1, 2, 3

owas'añu; lo bene janea omõñ a su'a madiba na omõñ a lonõn la moñ na omõñ a ñama yeşe i matuse ñolo o wase.

29 Na Loba a kwala na: Ombwa, na boli biño mbota yeşe i mabolę mbolako yena ye o wase ñeşe na myele myeşe mi maye bepuma bena oteten ao nde mbolako yeng; man nde me biño da.

30 Nde ñam'eyidi yeşe na lonõn la moñ leşe na meşe ma monęe mañolo o wase, meşe ma ben mudı ma longę oteten ao, na boli mo bewudu ba peña beşe ka da. Na mo e be nika.

31 Na Loba ombwa mambo meşe a wekingo, nde ombwa, ma ta bwam bwambi. 'Wa nde ebiamu e timbingo be, na idiba pe: buña bo londe mutoba bo.

2 Nika so nde moñ na wase ba boleng wekabę na mamuti mao meşe. 2 O buña bo londe samba na Loba a domşe ebol'ao a boling; na mo a wumşe o buña bo londe samba oñol'ebol'ao yeşe a boling. 3 Na Loba a namşe buña bo londe samba, a sangişe mo; ebanja oten nde a wumşeno oñol'ebol'ao yeşe a wekingo, a domşeno pe.

Mõnda ma Eden

4 Bebotedi ba moñ na wase, kana ba wekabeng, be nde ninka: Ponda Yehova Loba a wekingo moñ na wase, 5 ke to dibunęe l'ebongo di si busi o wase, ke to bewudu pe be si pumedi; ebanja Yehova Loba a si ta a mayolişe mbua o wase, to moto pe a si ta o sa miñangadu; 6 nde mbã e ta e busa o wase, e sopişe moñ a miñangadu ñeşe. 7 Na Yehova Loba a weka moto na miñangadu a nonging o wase, a wunge müdi ma longę o njongę ao ya mpemba, na moto a timba mudı ma longę.

8 Na Yehova Loba a pongę mõnda la jedu o Eden, na mo a jeşe moto a wekingo oten. 9 Na Yehova Loba a pumeleşe ñai na ñai a myele o miñangadu, i ta i dolę o jombwa, bepuma bao pe bwam o da, bwele ba longę pe oteten a mõnda na bwele ba dibię la bwam na la bobe. 10 Nde mopi mu ta mu busa o Eden o sopişe mõnda, na mo mwabanę myopi minęi oten. 11 Maboso dina lao ná Pişon; mo nde mu dingeleşe ekombo a Havila yeşe, wuma gol ñeno; 12 gol a y'ekombo ñe bwam; oten pe nde iban Bedolak na dale la tiki Soham beng.

13 Mopi mu londe miba dina lao ná Gihon; mo nde mu dingeleşe ekombo a Kus. 14 Mopi mu londe milalo dina lao ná Hidekel; mo nde mu monde o jedu la Asiria. Mopi mu londe minęi dina lao ná Eufrat.

15 Na Yehova Loba a nongę moto, a jeşe mo o mõnda ma Eden o pongę mo na tata mo. 16 Na Yehova Loba anea moto, a kwala na: We wonja o da bepuma ba myele myeşe mye o mõnda; 17 nde ba bwele ba dibię la bwam na la bobe o si da mo: ebanja buña o madang mo o mawo.

Teşębe la diba

18 Na Yehova Loba a kwala na: E titi bwam ná moto a be musoloki; na maweke mo mongwanedi ñena ñangamęn mo. 19 Na Yehova Loba a wekanę ñam'eyidi yeşe na lonõn la moñ leşe miñangadu, a wanea mo moto o jene ñeni eno ná a bola mo mina; ná to njika dina moto a mabolang eweked'a longę te, mo nde di mabe dina lao. 20 Na moto a posea byembe beşe mina na lonõn la moñ leşe na ñam'eyidi yeşe; nde oñola moto a si soi mongwanedi ñangamęn mo. 21 Na Yehova Loba a bola ná iyo yaleyę moto na ngiña, na mo a ko iyo na tum; na mo a nongę mbanj'ao po, a diba pe wa wuma n'eyobo. 22 Na Yehova Loba a weka muto na mbanja a nonging o ñol'a moto, na mo a wanea moto mo. 23 Na moto a kwala na: Nun so nde e ewes'a bewese bam n'eyobo a eyobo am; a mabelabę nde ná muto, ebanja a nongobe nde o ñol'a moto.

24 Oñola nika moto a mende dia sango na ñango, a tingame na munj'ao; nde ba mende nde be eyobo ewo.

25 Nde babo babanę ba ta nde musamba, moto na munj'ao, nde ba si ta ba bwane nika ison.

Ko la bobe

3 Nde ñama-bwaba e ta misomba buka ñam'eyidi yeşe yena Yehova Loba a wekingo. Na mo e kwalanę muto na: Obwa, Loba a kwali na mbalę na: Lo si da ñai a myele yeşe ye o mõnda e? 2 Na muto alabę ñama-bwaba na: Je wonja o da bepuma ba ñai a myele ma mõnda yeşe; 3 nde oñola bepuma ba bwele bo tem oteten a mõnda, Loba a kwali na: Biño lo si da mo, lo si tapa

BEBOTEDI 3, 4

pe to mo, lo si ya be lo wo. 4 Na nama-bwaba e kwalane muto na: Lo si mawo tomtom. 5 Nde Loba a bi bwam-bwam na o buña lo madang mo, miso mañu ma matelame, nde lo mabe ka Loba momene, lo bia nje ye bwam na bobe.

6 Nde muto enno na bepuma ba bo bwele be ta bwam o da, be dojo pe o jombwa, na na bo bwele bo ta pe bo nongone mulema, ebanja bo ta bo wele bola moto dibig, na mo a pata epum'ao, a da, a bola pe mom'ao nu ta na mo, na mo pe a da. 7 Nde miso ma babo babane ma ta ma telame, na babo ba bia na be nde musamba; na babo ba longa byadi ba jangolo, ba pongea babo momene bekube.

8 Na babo ba senga matanga ma Yehova Loba, ke a madangwa o monda o pond'a komea la buña. Na moto na munj'ao ba wutamé Yehova Loba oteten a myele ma monda. 9 Na Yehova Loba a bele moto, a kwalane mo na: We nde we e? 10 Na mo a kwala na: Na sengi wa o madangwa o monda, na bo bongó, ebanja ne musamba, oñola nika nde na wutamno. 11 Na Loba a kwala na: Nja a langwedi wa ná we musamba e? Wa ná o si made nde bo bwele naneding wa ná o si da e? 12 Na moto a kwala na: Muto o bolino ná a je na mba nde a boli mba epum'a bo bwele, nde na dedino. 13 Na Yehova Loba a kwalane muto na: Nje o bolino nika e? Na muto a kwala na: Nama-bwaba nde e wondi mba, nde na dedino.

14 Na Yehova Loba a kwalane nama-bwaba na: Kana o bolino nika, o loabe oteten a byembe beše na nam'eyidi yese; o mende nde jongo dibum longo o wase, o mada pe nde miñangadu o longé longo lese. 15 Na mawele bosinga oteten angó na muto na oteten a mbot'ango na na muto. Mo a mende ngoso mulopo mongó, wa pe o mende laba mo o tanga lao.

16 Na mo a kwalane muto na: Na makolise mutaka ma memé mongó, o mende nde ya bana na sese, mpuli mongó mu mende nde be na mom'ango, mo nde a mende janeye wa. 17 Na mo a kwalane pe moto na: Kana o senganno doi la munj'ango, na wa o da bwele naneding wa ná o si da, miñangadu mi loabe oñol'ango; o mende nde dang mo na ndutu o miña ma longé longo mese. 18 Mi mende yeya wa ngengele na nga-

ngadi; o mende pe da beleme ba monda. 19 Oñol'enang'a boso bongó nde o mendeno da da longó naté o timba o miñangadu mena oten nde o nongobeno; ebanja we nde miñangadu, o miñangadu pe nde o matimbanó.

20 Na moto a posea munj'ao dina ná Eva, ebanja mo nde e ñango a beše be longé. 21 Na Yehova Loba a pongea moto na munj'ao mbot'a byobo ba nama, a botise babo.

22 Na Yehova Loba a kwala na: Ombwa, moto a matimba ka mo ñasu, kana a mábianó nje ye bwam na bobe. Tatan a si sambise pe so dia lao, o pata na da bepuma ba bwele ba longé ná a be longé bebe beše. 23 'Wa nde Yehova Loba a busiseno mo o monda ma Eden, ná a bole ebolo o miñangadu mena oten nde a nongobeno. 24 Nika so nde Loba a pangino moto; na mo a jese kerubim o jedu la monda ma Eden na po a misonji ma wea o tata ngea ni maleye o bwele ba longé.

BETILEDI BA BOSANGI

MALE MA KWAN

NA

MALE MA PENA

La Sainte Bible en langue douala

053

BFBS-1970-6M

ISBN o 564 00352 2